



Seachtain na Scoileanna Caitliceacha 2018

Scoileanna Caitliceacha: Iarraidh ar Chomhluadar na dTeaghlach



Reáchtálfar Seachtain na Scoileanna Caitliceacha 2018 ar an mbonn céanna agus a bhain leis na blianta roimhe seo, ach go mbeidh difríocht shuntasach amháin ann. I mbliana 2018, beidh Seachtain na Scoileanna Caitliceacha mar bhuaicphointe sa chlár caiticeasmach don bhunscoil agus don iar-bhunscoil, ar a dtugtar **Scoileanna Caitliceacha: Iarraidh ar Chomhluadar na dTeaghlach**. Is é an téama a bhaineann le Tráth a Dó: Seachtain na Scoileanna Caitliceacha 2018 ná: **'Scoileanna Caitliceacha: Teaglaigh an Chreidimh**.

Díreach mar a tharla le blianta beaga anuas, baineann téama éagsúil leis an uile lá i rith Sheachtain na Scoileanna Caitliceacha, agus tá acmhainní ar leithligh ar fáil do na rang-ghrúpaí éagsúla: Naíonáin Shóisearacha agus Shinsearacha/Bunscoil 1 agus 2; Rang 1 agus 2/Bunscoil 3 agus 4; Rang 3 agus 4/Bunscoil 5 agus 6; agus Rang 5 agus 6 /Bunscoil 7.

Is iad na Téamaí Laethúla ná:

An Luan: Ár dTeaghlach sa Bhaile

An Mháirt: Ár dTeaghlach Scoile

An Chéadaoin: Seantuismitheoirí: Cuid ar Leith den Teaghlach

An Déardaoin: Ár dTeaghlach Paróisteach

An Aoine: Ár dTeaghlach Domhanda

Cuirtear tús le téama an lae, trí mhachnamh a dhéanamh ar athfhriotal ón aitheasc aspalda a thug an Pápa Proinsias dúinn, darbh ainm *Amoris Laetitia*. Déantar ár gcuid foghlama a shuiteáil i gcomhthéacs theachtaireacht an Phápa. Le cabhrú leis na múinteoirí dul i ngleic leis na hacmhainní, tugtar eolas maidir leis na snáitheanna agus snáithaonaid a bhaineann le *Curaclam don Oideachas Reiligiúnach Réamhscoile agus Bunscoile Caitliceach in Éirinn* (2015) de réir mar a oireann siad do na pleananna éagsúla ceachta.


Tugtar sraith mholtaí chomh maith, a chabhródh le gníomhaíochtaí a chur ar fáil do na mic léinn a d'fhéadfaí a chomhlíonadh i rith cheiliúradh Lá na Seantuismitheoirí, is é sin An Chéadaoin, Seachtain na Scoileanna Caitliceacha.

Tá seirbhís urnaí ar fáil chomh maith a d'fhéadfaí a chur in oiriúint don seomra ranga nó don scoil ar fad, agus tá moltaí coincréiteacha ar fáil maidir le ceiliúradh a réachtáil sa pharóiste ar an Domhnach 28 Eanáir.

■ Beidh gach áis agus acmhainn ar fáil trí Ghaeilge agus trí Bhéarla

■ Beidh na hacmhainní scoile ar fáil ag: www.catholicschools.ie

Is iad Hazel O'Connor, Breda Holmes agus John-Paul Sheridan a chuir na hacmhainní seo ar fáil do Sheachtain na Scoileanna Caitliceacha 2018





Machnamh an Lae

Seachtain na Scoileanna Caitliceacha 2018

Is féidir machnamh in aghaidh an lae a léamh amach sa seomra ranga, nó ag baint úsáide as an gcóras cumarsáide ar fud na scoile. Is féidir le ball foirne nó mac léinn iad a léamh. Nuair a bhíonn an t-ábhar léite, d'fhéadfaí cúpla nóiméad a chaitheamh ag machnamh in atmaisféar urnaitheach.

An Luan

Is é seo an chéad lá de **Sheachtain na Scoileanna Caitliceacha 2018**. Beidh ceiliúradh á dhéanamh againn i rith na seachtaine ar **Theaghlach an Chreidimh**. Baineann gach duine againn le teaghlach éagsúla. Is sa teaghlach a bhíonn taithí againn ar na daoine a thugann grá agus aire dúinn. Is é an chéad teaghlach lena mbainimid ná an teaghlach sa bhaile. Bímid i measc ár muintire ann, tuismitheoirí, deartháireacha, deirfiúracha, aintíní, uncailí, col ceathracha, seantuismitheoirí, aon duine eile a thugann aire dúinn. Is í seo an chéad áit ina bhfoghlaímimid maidir leis an saol, maidir leis an gcreideamh, is iad sin na daoine is tábhachtaí a bhaineann linn. Meabhraíonn an Pápa Proinsias dúinn nach bhfuil a leithéid de rud ann agus an teaghlach foirfe, ach go n-iarrtar orainn cónaí go grámhar lena chéile, agus fás i ngrá dá chéile.

**Gabhaimid buíochas leat a Thiarna as ár dteaghlach sa bhaile.
Abraimis le chéile an phaidir a mhúin Íosa dúinn: Ár nAthair ...**



An Mháirt

Moltar dúinn inniu smaoineamh orainn féin mar bhaill den teaghlach scoile. Is áit chairdiúil ghrámhar í an scoil. Bímid ag foghlaim, ag fás, ag súgradh, ag comhoibriú lena chéile inti. I measc an teaghlach scoile bímid ag foghlaim faoin domhan atá thart orainn, mar gheall ar ghrá Dé, agus conas a bheith ag déileáil leis an duine eile de réir mar a d'iarr Íosa orainn. I measc an teaghlach scoile bíonn na múinteoirí, an príomhoide, na mic léinn eile agus an fhoireann tacaíochta ag comhoibriú lena chéile chun áit mhuinteartha a chruthú do chách.

**Gabhaimid buíochas leat a Thiarna as ár dteaghlach ar scoil.
Abraimis le chéile an phaidir a mhúin Íosa dúinn: Ár nAthair ...**



An Chéadaoin

Lá na Seantuismitheoirí atá ann inniu, agus iarrtar orainn machnamh a dhéanamh maidir leis an stádas ar leith a bhíonn ag na seantuismitheoirí sa teaghlach. Is oidí ar leith iad a mhúineann an grá dúinn, a thaispeánann dúinn conas aire a thabhairt, conas roinnt lena chéile. Tugann siad léargas dúinn ar an am atá thart, ar thábhacht an teaghlach agus ar a chaomhnú. Léiríonn siad áilleacht an domhain dúinn, agus conas aire cheart a thabhairt dó de réir mar a bhímid ag fás aníos.

**Gabhaimid buíochas leat a Thiarna as ár seantuismitheoirí.
Abraimis le chéile an phaidir a mhúin Íosa dúinn: Ár nAthair ...**





An Déardaoin

Beimid ag smaoineamh inniu ar an bpobal a bhaineann le muintir an pharóiste. Pobal a leanann Íosa atá sna daoine seo, díreach ar aon dul linne. Bíonn an fhoghlaim, an aire, an tacaíocht le sonrú sa pharóiste. Tugtar cuireadh dúinne cruinniú lena chéile ar an Domhnach ag an Aifreann, agus iarrtar orainn oibriú lena chéile agus aire a thabhairt don dream uireasach sa pharóiste. Déantar bail den phobal paróisteach dinn nuair a bheannaítear le huisce sinn sa Bhaisteadh, agus nuair a chuirtear an ola choisricthe orainn. Is é an séipéal croílár an pharóiste. Is ann a dhéanaimid guí agus ceiliúradh lena chéile mar theaghlach an chreidimh.


Gabhaimid buíochas leat a Thiarna as ár dteaghlach paróisteach. Aбраimis le chéile an phaidir a mhúin Íosa dúinn: Ár nAthair ...



An Aoine

Agus Seachtain na Scoileanna Caitliceacha ag druidim leis an deireadh, iarrtar orainn smaoineamh orainn féin mar an teaghlach domhanda. Mar phobal an domhain bíonn sé de dhualgas orainn aire a thabhairt don phláinéad seo, don saol a chuir Dia ar fáil dúinn. Ciallaíonn sé sin go dtugaimid aire don phláinéad féin, do phobal an domhain, do na créatúir ar fad a chónaíonn ar dhroim an domhain. Iarrann Íosa orainn aire ghrámhar a thabhairt dá chéile mar aon teaghlach amháin ar fud na cruinne. Léirimid an grá seo tríd an domhan a chaomhnú agus a chothú, agus trí é a roinnt lena chéile ar bhealach cóir cothrom.

Gabhaimid buíochas leat a Thiarna as ár dteaghlach domhanda. Aбраimis le chéile an phaidir a mhúin Íosa dúinn: Ár nAthair ...





Tráth a Dó: Teaghlaigh an Chreidimh

Machnamh do na Boird Bhainistíochta

Réamhrá

Toisc gur príomh-oideachasóirí na bpáistí iad, bíonn an fhreagracht ar na tuismitheoirí na scoileanna is fearr a chabhródh leo san obair seo mar oideachasóirí Críostaí a roghnú (féach CCC, 2229). Ar an mbealach seo baineann stádas ar leith sa phobal Eocairisteach leis an scoil Chaitliceach, agus í ag tacú leis na tuismitheoirí maidir leis an dualgas atá orthu an chlann a oiliúint sa chreideamh (féach CCC, 2226). In *Amoris Laetitia*, aithníonn An Pápa Proinsias gur deacair a leithéid a dhéanamh de bharr slite maireachtála na beatha sa lá atá inniu ann, de bharr cúrsaí oibre, de bharr na ndeacrachtaí a bhaineann le luas an tsaoil (287). Mar bhaill de na Boird Bhainistíochta, aithnímid féin go gcaithfidh an teaghlach scoile aghaidh a thabhairt go laethúil ar shaincheistean a ardaítear de bharr luas an tsaoil, agus de bharr shocháí an tomhaltais. Le cabhrú leis an ábhar seo tá acmhainn uathúil a chabhródh leo ag na scoileanna Caitliceacha: an creideamh, bronntanas Dé.

Tá sé tábhachtach go ndéanfaí an creideamh a chothú i measc phobal na scoileanna Caitliceacha. Bíonn an dualgas uasal seo ar bhaill na mBord Bainistíochta go mbeadh an scoil Chaitliceach mar áit ina mbeadh meas ar áilleacht agus ar bhrí an chreidimh, agus ar an ngá atá ann an urnaí a dhéanamh agus freastal ar an gcomharsa chomh maith (AL, 287). Mar bhaill Bhoird Bhainistíochta na scoileanna Caitliceacha, tugaimid fianaise ar an dualgas seo trí atmaisféar a chruthú ina mbíonn armacas, maithiúnas, cion, meas, ionracas agus freastal neamhleasmhar i bhfeidhm (CCC, 2223). Déanann na Boird Bhainistíochta obair na dtuismitheoirí a chomhlánú agus deimhin á dhéanamh de go n-éascaíonn na scoileanna Caitliceacha an phrintíseacht san fhéindiúltú, sa bhreithiúnas fónta, agus san fhéinoilteacht – na coinníollacha riachtanacha le haghaidh saol iomlán saor a chaitheamh (CCC, 2223). Ciallaíonn an bronntanas den chreideamh a fuairamar ó Dhia gur féidir linn a bheith saor le saol a chaitheamh atá bunaithe ar bhunphrionsabail na Críostaíochta, cé gur minic go dtugtar tosaíocht don ghaol dromchlach i saol an lae inniu.

In *Amoris Laetitia*, cuireann an Pápa Proinsias i gcuimhne dúinn gur rud beag é an síol mustaird, ach go ndéantar crann ard de (féach Matha13:31–2), agus go dtugann sé seo léargas dúinn ar an easpa comhréir a bhíonn uaireanta ann, idir gníomh agus toradh. Mar bhaill de Bhoird Bhainistíochta na scoileanna Caitliceacha, caithimid a iarraidh ar Dhia a bheith gníomhach inár gcroí, agus go dtabharfaidh sé an neart i gcónaí dúinn tiomantas cruthaitheach a bheith ionainn i leith comhoibriú leis agus bronntanas an chreidimh a chothú agus a thabhairt ar aghaidh don ghlúin óg.

Machnamh

- An bhfuil bealaí ann le go bhféadfadh an Bord Bainistíochta forbairt an chreidimh a shaihbriú i measc na foirne agus i measc na mac léinn ar scoil?
- Conas a d'fhéadfadh cruinnithe an Bhoird Bainistíochta gné feabhsaithe creidimh a bheith iontu? (m.sh. paidir thosaigh, plé faoi éiteas na scoile bheith ar an gclár oibre ag gach aon chruinniú)
- 'Ba cheart go mbeadh meas ar na lánúineacha is ar na tuismitheoirí mar ghníomhairí beo sa chaiticéis' (AL, 287). An bhféadfadh an scoil seo againne comhoibriú feabhsaithe a bheith ann leis na tuismitheoirí maidir le cur chun cinn an chreidimh? Más ea, conas san?
- Nuair a thacaíonn an Bord Bainistíochta le hullmhúchán sacraimintiúil na mac léinn, an bhfuil bealaí ann ina bhféadfaí rannpháirtíocht níos éifeachtaí a mhealladh ó na tuismitheoirí?

